

## 'ZAAN'a 'yizabɔgu

*Wludie po'a nyo 'bɔgu -nɛɛ'ɛ -naagi 'li.*

Zezi'a nyo'a -dadudu 'Zaan po'o 'bɔgu -nɛɛ -jeyi. ɔ 'nu-o -kaa, 'le, li-ɪ se'a 'kpu 'bhle, nyo-u tɔ 'ni, 'bho 'wa damu un 'ke 'wa 'bhi 'yrili'du. ɔ 'po -ɛ u -jeyi 'le ɔ 'ke u 'kpa 'yi po -lɛɛ 'le un -ke Zezii 'ke 'yi' sisri -ka -zɛgɛka.

*-Lagɔwlu 'nyɪ'a nyo tinɪɛzɛgɛ, 'inne \*Zezi  
'du'o*

I \*Zezi 'ma-a -Lagɔ'ɔ wlu-u 'nyɪ'a nyo 'kɔgwletinɪɛzɛgɛ, 'ɔ dɪ -a po'o amu 'bɔgu -jeyi. -Da -Lagɔ 'ka li 'wee ti-ya -benyɪ, ɔ -ni'e-e ti see. -A'ba 'bhi'a pɛyri 'son 'ye -ɔ'o. -A 'ye-e 'ɔ -wluna 'le -a 'ye ɔ li'tu -lɛɛ.

II A -gblee, ɔ-bɔ Zezi 'nyɪ'a nyo tinɪɛzɛgɛ 'mne, ɔ 'yi-e 'nɔɔ 'kmu 'mu, 'le -a 'ye ɔ 'ye. 'Bho -a'ba -tita -Lagɔ'ɔ 'trolli ɔ -ni'o 'le ɔ 'ye 'bho 'wlu, ɔ 'ye 'nɔɔ 'kmu 'mu yi. 'ɛ kamɔ -a za'a amu 'ɔ dɪ -bodɪ 'mu 'le -a 'tmu'u'o amu -lɛɛ -ka ɔ-ɔ 'nyɪ'a nyo 'kɔgwletinɪɛzɛgɛ.

III A-a 'ye-e li'a, ɔ-bɔ Zezi -a 'ye'a li, 'ɔ wlu -a 'wɔn'ɔ 'bɔ, -a 'po-o amu 'ya wlu -jeyi -lɛɛ, 'le, -ka -a -ke -a'ba -tita -Lagɔ -ke 'ɔ 'yu Zezi \*Kliisi 'mno 'sisri'a 'yi, -a -ke abu 'ke ɛ 'mu-ple -lɛɛ.

IV I-bɪ dɪ -ni, -a 'po-o amu 'ya 'bɔgu -jeyi, 'le, 'bubua-a 'lbha'a -a -ni 'wee, ɛ 'ke -amu 'mu 'yi tenyɪ.

*-Lagɔ \*'saa'a-a li.*

V -Lago'ɔ 'dɪzɪɪɪ \*Zezii \*Kliisi -za'a -amu -bodu 'mu, -a 'wɔn'ɔ 'bɔ, -ɛ -ke dɪ -a -nɪ'a amu wlu -jeyi -ponamu, 'ɪnnɛ 'ka-a: ɔ na: -Ka zɔ-ɔ 'ye'a ti wesaa, 'ka-a -Lago \*'saa'a li, 'le 'nyinyinidɪ'a -kuyre se ɔ 'mu -nɪ.

VI A 'ye li-ɔ, -bho -a'ba nyɔ nu, ɔ -ke -Lago 'sisri'e-e 'yi, 'le ɔ 'ke 'nyinyinidɪ'a nɔnɔba 'li ti-de a, 'ɔ nyɔtu-u 'cɛ-ɛ sɪn 'le 'ɔ wɔnmɔwlu 'mu -ke 'ɔ nɔnɔkpli 'mu.

VII ɛ -nɪ'a -kaa 'mu a, -ka -Lago 'saa'a li, -bho -a'ba nɔnɔkpli \*'saa -kaa li 'bho 'ɔ 'yigbeyi, 'lemnɪ -ka -a -die'a 'mu 'wee, -a kpɔkpɔn'o-o ti, 'le, 'ɔ 'yu Zezii 'mɛ'ɛ -a'ba 'nyinyinidɪ'a dɪ, -ɔ -ke nymɔ-ɔ 'wla'a ti, ɔ-ɔ zetie'e -amu 'le ɪ-bɪ 'nyinyinidɪ 'mnɪ 'mu.

VIII -Bho -a'ba nyɔ nu, ɔ -se 'tɔ-ɔ 'nyinyinidɪ'a nɔyi -ko a, ɔ-bɔ nyɔ 'mnɔ, -ziadɪ se 'le 'ɔ -pɔlv 'zɔ -nɪ. ɔ-ɔ 'maa-a 'ɔ 'bhuo.

IX ɛ -nɪ'a -kaa 'mu a, -bho -a nu 'nyinyinidɪ, 'le -a 'ke ɪ 'yiyibo, -a 'ke ɪ 'bho -Lago'ɔ 'yigbeyi tide a, ɔ-ɔ 'bhɔ-ɔ 'ya dɪ 'le ɔ-ɔ zetie'e -amu 'le ɪ 'mu. -ɛkedɪmaa, ɔ 'srɛɛ'ɛ-ɛ 'yi 'le ɔ -nmɔ'ɔ 'yiti nyɔ 'ke ɔ 'gwlidɛ.

X 'Le -a'ba 'klumu, -bho nyɔ nu ɔ -see 'nyinyinidɪ nu a, ɔ-bɔ nyɔ 'mnɔ-ɔ 'luo-o -Lago 'mu -ka sɪnceyi, 'le -Lago'ɔ wlu -lue 'tɪn se ɔ 'mu -nɪ.

## II

### *\*Zezii \*Kliisi-ɪ kpa'a -amu-ɛ*

I 'An dɪkmayreetɪ-a, dɪ 'ɪn-ɪ za'a -laa 'mu'a kamɔ 'ɪn-ɪ pɔ'o amu wlu -jeyi 'le a 'ke 'nyinyinidɪ'a nɔnɔdɪ 'bhɔ. 'Le a'ba 'klumu, -bho

nyo nu 'le 'nyinyinidı, -a 'bhle-e -kpayi -lue 'bho -a'ba -tita -Lago'ɔ 'trolli: 'ınnɔ 'mo-o 'Yisrɛɛyi \*Zezii \*Kliisu.

II A -gblee, ɔ-bɔ Zezii Kliisu 'mnɔ, -Lago'ɔ 'bhuo-o -zɔ 'ɔ 'bho 'le 'ɔ nymɔ 'ye ti'wla, 'le ɔ 'ye 'mɛ. A 'ye li-ɔ, ɛ -se -a'ba 'sɛ'ɛ 'nyinyinidı'a kamu ɔ 'mɛ 'nı -ko. ɔ 'mɛ-o'o nyunyu 'wee'a 'nyinyinidı'a dı 'le 'ya -belu 'ke ɔ 'ka bhla, ɛ 'ye ɔ 'kpi ti'ga 'bho nyunyu 'wee'a 'bı 'mu. 'Wa \*'sraga ɔ -za'o 'bho -Lago'ɔ 'yigbeyi 'le 'wa 'nyinyinidı 'ke ɔ 'kpi ti-gwɛ.

III -Bho -a po -Lago'ɔ wlu -lokui 'le -a 'ke ı 'bho 'du a, 'lemnı, -ka -a yibo 'nɔ -ziaka, -a 'de -ı 'gwli.

IV -Bho -a'ba nyɔ -lue nu ɔ yibo nɔ-o'o, -bho 'ɔ 'du 'bho 'ɔ wlu a, ɔ-bɔ nyɔ 'mnɔ 'nu-o sɛɛyi, -ziadı se 'le 'ɔ -pɔlv 'zɔ -nı.

V ɛ -nı'a -kaa 'mu a, nyɔ-ɔ 'du'a 'bho 'ɔ wlu, ɔ-ɔ 'mo-o nyɔ-ɔ -kma'a -Lago 'mnɔ'ɔ dı tenyi. A -gblee, -ka nyɔ 'ka yibo na ɔ -ke ɔ 'sisri'e-e 'yi a, 'kla-a 'ka-a!

VI -Bho nyɔ nu ɔ -ke -Lago 'sisri'e-e 'yi, -ka Zezii'a -dedekpli -nı'a a, 'ɔ -dedekpli -nı -kaa!

### *-Lago'ɔ wlulre.*

VII 'An dıkmalotı'a 'nynuu-a, wlu 'ın -nı'a -laa amı -jeyi ponamı, ɛ se wlulre -ko. A 'wɛn -ɛ 'bɔ see 'le a yibo nɛ'o.

VIII 'Bho 'ɛ lemı, ɛ-bɛ wlu -ke dı 'ın -nı'a amı -bodı 'muzanamı a, ɛ-ɛ 'mo-o wlulre -lrɛɛ. A -ke \*Zezii'a nɔnɔkplizıgı 'mu, 'le-e nyı yibo -nı 'nɛ 'yi 'le -a yibo'o -ka ɛ 'du'a lɛlrɛ. -ɛkedımaa, 'nyinyinidı'a -kuyre-e 'wlv-o 'bho -jeyi, 'le, Zezii'a 'yrilinmɔdı kɔɔ'ɔ zɔ, ı-ı zi'e 'bho 'ya 'bı 'mu.

IX 'Ka-a ε -nɪ'e 'mʊ'a dɪ, nɔɔ-ɔ 'nyɛ'ɛ ɔ -Bozezii'a nɔɔ 'mʊ, -ka -Lagɔ 'saa'a li, -bho ɔ nʊ 'ka-a 'ɔ nʊnʊkpli -nɪ'o 'bho -Lagɔ'ɔ ''yigbeyi a, 'ɔ nɔɔtu-u 'nʊ-o -bhla ''nyinyɪnɪdɪ ''kɔmʊ.

X ε -nɪ'a -kaa 'mʊ a, -bho nɔɔ -kma ɔ -Bozezii'a nɔɔ'ɔ dɪ, 'ɔ nɔɔtu -de'e-e 'le -zɛɛ 'li ti. Lɛ -see ɔ ''nyinyɪnɪdɪ wɔn-po yi 'bho -Lagɔ'ɔ ''yigbeyi.

XI A -gblee, nɔɔ-ɔ 'nyɛ'ɛ ɔ -Bozezii'a nɔɔ 'mʊ, ɔ -nɪ'e-e -bhla 'le ''nyinyɪnɪdɪ 'li ''kɔmʊ. 'Le ''nyinyɪnɪdɪ'a nʊnʊa 'li ɔ -de'e ti ''kɔmʊ. I-bɪ ''nyinyɪnɪdɪ 'mɪ -ka'a 'tɔ-ɔ 'ɔ ''yri'a dɪ, ɔ se 'ɔ ''yisɛɛjɔlʊ yibo.

XII 'An dɪkmaɪreetɪ-a, 'ɪn-ɪ 'pɔ-o amʊ dɪ -nɪ'a ''bɔɔɔ -jeyi, -ɛkedɪmaa, a'ba ''nyinyɪnɪdɪ -gwe'ɛ-ɛ 'bho -Lagɔ'ɔ ''yigbeyi ti Zezii \*Kliisɪ'a 'sana 'mʊ.

XIII A-bʊ 'ma-a nyunyuzɪɔɪ a, 'ɪn-ɪ 'pɔ-o amʊ ''bɔɔɔ -nɛɛ -jeyi, -ɛkedɪmaa, -da -Lagɔ 'ka lɪ 'wee ti-ya -bɛnyɪ, Zezii -nɪ'a ti see, a yibo nɔ-ɔ'o.

A-bʊ 'ma-a 'bhʊabhʊayreetɪ, 'ɪn-ɪ 'zɪ -ɪ amʊ -bodɪ 'mʊ -lɛɛ, -ɛkedɪmaa, a 'lu-o tʊ 'bho ''nyinyɪnɪdɪ'a tiyayi \*Sataan ''kpi.

XIV 'An dɪkmaɪreetɪ-a, a yibo'o-o -a'ba -tɪta -Lagɔ'ɔ dɪ 'ɪn-ɪ pɔ'o amʊ ''bɔɔɔ -nɛɛ -jeyi.

A-bʊ 'ma-a nyunyuzɪɔɪ, 'ɪn-ɪ 'zɪ -ɪ amʊ -bodɪ 'mʊ, -ɛkedɪmaa, -da -Lagɔ 'ka lɪ 'wee ti-ya, Zezii -nɪ'a ti see, a yibo nɔ-ɔ'o.

A-bʊ 'ma-a 'bhʊabhʊayreetɪ, 'ɪn-ɪ 'pɔ-o amʊ ''bɔɔɔ -nɛɛ -jeyi -lɛɛ, -ɛkedɪmaa, a 'bhle-e 'kpi 'mʊ 'bho -Lagɔjeyi. A -de'e-e 'le 'ɔ wlu 'li ti 'le a 'ye tʊ lu 'bho ''nyinyɪnɪdɪ'a tiyayi Sataan ''kpi.

XV A -gblee, li-ti -ni'a 'nɔɔ 'kmɔ 'mɔ, -yi'a 'bhɛɛ'ɛ -Lago'ɔ 'nyɪ 'yi a, a'ba -kma 'ya dɪ -le! -Bho nyɔ -kma 'ya dɪ a, ɔ se -Lago'ɔ dɪkmɛɛ 'mɔ'bhle.

XVI Lɛ''o lɛ-ɛ -se'a-a -Lago'ɔ 'gwɪbdɪ: 'nyɪnyɪninaagɪ'a 'tɔnɔɪ o, nyɔ'ɔ lɛ'ɛ -pɔɪɔ'a 'yɪcɛɛɛ o, 'jɛ'ɛ 'yɪbhɛɛɛ o, ɪ-ti 'mɔ-o 'kmɔ 'mɔ'a li, ɪ -se -a'ba -tɪta -Lago'ɔ ni -ko.

XVII A -gblee, 'kmɔ -nɛɛ -ni'e-e 'yitibhitinamɔ. 'ɛ li-ti nɔ'a nyɔ 'tɔ, -yi'a nɔ'a -Lago 'tɔ a, 'ka-a ɛ -ke ɪ-ti mu'o -lɛɛ. ɛ -ni'a -kaa 'mɔ a, nyɔ-ɔ nɔ'a -Lago'ɔ 'gwɪbdɪ a, ɔ-ɔ 'ni-e ti ''kɔgwɛka.

*\*-Lago'ɔ 'Bhozayi -ɔ 'pɔɪɔ'a nyɔ'a 'yidedeyi.*

XVIII 'An dɪkmayreetɪ-a, -a -ni'e 'tɔ-ɔ \*-lebhɔɔɔɔ 'li. 'Le a 'wɔn'ɔ 'bɔ see -ka \*-Lago'ɔ 'Bhozayi -ɔ 'pɔɪɔ'a nyɔ'a 'yidedeyi-i 'ye'a -yi mɔ. A -gblee, -nɔɔ -ke 'li -a -ni'a 'traamɔ a, 'wa -dadudu yi-o'o, 'le, -ka -lebhɔɔɔɔ nyɪ'a a, -a yibo ni'o.

XIX U-bɔ nyɔ 'mɔɔ a, -a -ke ɔn bhete'e-e gbo -benyɪ. 'Traamɔ 'tɔ ɔ, -a -ke ɔn se -pɔɪɔ 'mɔ-plɛ. 'ɛ dɪ ɔn 'wɪɔ'o -amɔ 'yrili. -Bho -a -ke ɔn -plɛ 'kɪ -pɔɪɔ 'mɔ, -a -ke ɔn-b de 'ko-o ti ''kɔmɔ. 'ɛ lɛtu -nɔ-ɛ'o, 'le, -ka -a -ke ɔn se'a -pɔɪɔ 'mɔ-plɛ ɛ, 'le nyɔ 'ye ɪ yibo.

XX 'Bho a-bee -mɔɔ'a damɔ a, -Lago'ɔ 'Bhozayi -ɔ 'pɔɪɔ'a nyɔ 'nyɪ-e amɔ \*-Lago'ɔ Lisaazuzu -lue -lue, 'le a -ni 'wee yibo'o -ziadɪ.

XXI ɛ -se a se -ziadɪ yibo'a ''lru 'yi 'ɪn-ti po amɔ wɪ -jeyi 'ni -ko. A yibo ni-t'a dɪ 'ɪn-ti zɪ 'ɪ 'mɔ. 'ɛ dɪ, -ka sɪn se'a 'bhɛɛ ɪ 'ke 'le -ziadɪ 'mɔ 'wɪ a, a yibo ni'o.

XXII Yoo mo'o 'to-o suncɛyi'a? A -gblee, nyɔ-o nu'a Zezii -se -Lago'o 'Bhozayi -o 'pɔɔn'a nyɔ -ko a, 'innɔ 'mo-o sɪn'a nyɔ. ɔ-bo nyɔ 'mnɔ, ɔ-o 'mo-o -Lago'o 'Bhozayi -o 'pɔɔn'a nyɔ'a 'yidedeyi, -ɛkedɪmaa, ɔ -see 'wɔn ɔ 'ke -a'ba -tita -Lago -ke 'o 'yu 'gwlide.

XXIII A 'ye li-o, nyɔ-o nu'a Zezii -se -Lago'o 'yu -ko, ɔ -see 'o -tita -Lago 'gwlide -lrɛɛ, 'le ɔ -ke ɔ -see tikpɔkɔn. ɛ -nɪ'a -kaa 'mɔ a, nyɔ-o nu'a 'bho nyɔ'a 'yigbeyi, Zezii 'mo-o -Lago'o 'yu, 'o nyɔtu -ke -Lago 'sisri'e-e 'yi.

XXIV 'ɛ kamɔ a, -da a -yi -nɪ'a 'bho -Lagojeyi -lreeka, -Lagowlu a 'wɔn'ɔ 'bo, a -de nɪ 'li ti! I-bɪ wlu 'mnɪ, -bho a -de nɪ 'li ti a, 'lemnɪ a -ke -a'ba -tita -Lago -ke 'o 'yu Zezii 'sisri'e-e 'yi.

XXV A -gblee, 'kɔgwletinɪɛzɛɛ Zezii 'du'o -amɔ wɔn 'mɔti.

XXVI A 'ye li-o, nyɔ-o nu'a ɔn 'ke amɔ dɪ 'yrili'maa, 'wa kamɔ 'ɪn-ɪ pɔ'o amɔ dɪ -nɪ'a 'bɔgɔ -jeyi.

XXVII A-bee -mnɔɔ a, \*-Lago'o Lisaazuzu Zezii 'nyɪ'a amɔ, ɔ -nɪ'e-e amɔ 'mɔ. -Lagowlu'a -toyi -o 'ka amɔ -to ɔ, 'ɛ dɪ a se 'bhɛɛ a 'ke ɔ 'mɔ 'pɛɛ tenyɪ. -ɛkedɪmaa, ɔ-bo -Zuzu 'mnɔ-o 'to-o amɔ lɪ 'wee, 'le 'o -tɔtɔlɪ 'mnɪ-ɪ 'mo-o -ziadɪ. I se sɪn 'mɔ'bhle. 'Ka-a ɛ -nɪ'e 'mɔ'a dɪ, a -ke Zezii 'sisri 'yi 'le a 'ke -Lago'o Lisaazuzu'a -tɔtɔlɪ 'li ti-de!

XXVIII 'An dɪkmayreetɪ-a, 'ɪn-ɪ 'mu-o 'bho le -lrɛɛ, a -ke Zezii 'sisri 'yi, 'le, -bho ɔ yi le a, 'o -sɪanyɪ -ke 'o dɪn -kaa amɔ 'lbha!

XXIX A -gblee, -ka -a'ba -Kɔyi 'srɛɛ'ɛ 'yi, a yibo nɪ-o'o see'a dɪ, a yibo'o -lrɛɛke na, nyɔ'o nyɔ-o

nu'a 'yisrɛɛdɪ 'bho -Lagɔ'ɔ 'yigbeyi, ɔ-ɔ 'mo-o -Lagɔ'ɔ 'yu.

### III

#### *-A 'mo-o -Lagɔ'ɔ 'yreetɪ*

I -Ka -a'ba -tita -Lagɔ -kma'a -a'ba dɪ tenyɪ, a 'ye -kaa li-ɔ! ɔ-ɔ 'la-a -amu 'ɔ 'yreetɪ. Kɪn, -ziadɪ mo'o, 'ɔ 'yreetɪ -a "du'o -ziaka. -Ka -a "du 'b a, nyɔ-b -see 'ɔ 'gwɪde, ɔn se 'bhɛɛ ɔn 'ke ɪ 'mɔti'wɔn, -ɛkedɪmaa, ɔn se ɔ yibo.

II 'An dɪkmalotɔ'a "nynuu-a, 'traamu 'tɔ ɔ, -a 'mo-o 'ɔ 'yreetɪ. ɛ -nɪ'a -kaa 'mɔ a, lɛ -a 'ka "du 'wla, -a se ɛ -bhla yibo. Lɛ -a yibo'a, 'ɛ "sɛ 'mo-o, -bho \*Zezii \*Kliisɪ -ka le-e yi 'le 'ɔ 'nyɪ'a 'yibhɛɛɛ 'mɔ, -a -ke ɔ-ɔ 'ye-e gɔgɔ -mɔ, -ɛkedɪmaa, -ka ɔ -nɪ'a a, 'ka-a -a 'ye ɔ 'ye mɔ "gu!

III 'ɔ -glɪgbawɔnyɪ'a nyɔ-ɔ de 'ɔ -kaa -pɔɔ 'yi a, ɔ-ɔ "du-o 'ɔ "bhuo 'yrili, 'le, -ka ɔ-bɔ Zezii Kliisɪ 'saa'a li, ɔ-ɔ nɪ'e -kaa 'bho -Lagɔ'ɔ 'yigbeyi.

IV A -gblee, nyɔ-ɔ nu'a "nyinyɪnidɪ 'bho -Lagɔ'ɔ 'yigbeyi, \*-Lagɔ'ɔ gba ɔ-ɔ cɛ'ɛ 'mɔ. -ɛkedɪmaa, "nyinyɪnidɪ'a nɔnɔa-a 'mo-o 'ɔ gba'a 'mɔcɛɛ.

V 'Bho 'ɛ lemɔ, a yibo'o-o -ka Zezii Kliisɪ yi'a 'nɔɔ 'kmɔ 'mɔ 'le ɔ 'ke -amu zetie 'le -a'ba "nyinyɪnidɪ 'mɔ. A 'ye li-ɔ, ɔ-bɔ Zezii 'mnɔ'ɔ "bhuo -see "nyinyɪnidɪ -lue 'tɪn nu 'bho -Lagɔ'ɔ 'yigbeyi.

VI 'Ka-a ɛ -nɪ'e 'mɔ'a dɪ, nyɔ'o nyɔ-ɔ -ke ɔ 'sisri'a "yi, ɔ-ɔ 'bhɔ'ɔ "nyinyɪnidɪ'a nɔnɔdɪ. ɛ -nɪ'a -kaa 'mɔ a, nyɔ-ɔ mu 'nɪ "lru, ɔ se ɔ yibo 'le ɔ -see 'ɔ "kpidɪ 'mɔti'wɔn.

VII 'An dıkmayreetı-a, a'ba ''tayi nyo ''yiti, 'o ''maa amv dı ''yrili -le! Nyo-ɔ nu'a ''yisrɛɛdı 'bho -Lago'ɔ ''yigbeyi, -ka Zezii Kliisı 'srɛɛ'ɛ ''yi, 'ka-a 'ɔ nyɔtu -nı'ɔ.

VIII Nyo-ɔ nu'a ''nyinynidı ''cɪcɪ a, ɔ-ɔ 'mo-o ''nyinynidı'a tiyayi'a nyo, -ekedımaa, -da -Lago -ya -nı'a lı 'wee ti a, 'bho-o ɛ -za'a ı-bı ''nyinynidı 'mnı'a nɔnva. A -gblee, ɛ-be ''nyinynidı'a tiyayi'a kplisasvı 'mnı'a tizɛɛ'ɛ ''lru ''yi -Lago'ɔ ''yu Zezii yi'e 'nɔɔ 'kmv 'mv.

IX A 'ye li-ɔ, nyo''o nyo-ɔ 'ma-a -Lago'ɔ ''yu, ɔ-ɔ 'bhɔ-ɔ ''nyinynidı'a nɔnɔdı, -ekedımaa, ɔ 'bhlee 'ɔ -tita'a ''yirinmɔpɔlv 'li. 'ɔ -tita mo'o 'tɔ-ɔ -Lago'ɔ dı, ɔ se 'bhɛɛ ɔ 'ke ''nyinynidı nu 'yrɛɛɛ.

X Leeɛ nyo 'ke -Lago'ɔ ''yreetı -ke ''nyinynidı'a tiyayi'a nu 'muyibo -nı'a? A 'ye li-ɔ, nyo''o nyo-ɔ'ɔ nu'a ''yisrɛɛdı 'bho -Lago'ɔ ''yigbeyi, 'le ''bhaleɛke nyo-ɔ se'a 'ɔ -bonyunyo'ɔ dı -kma, ɔ -se -Lago'ɔ ''yu -ko. ''Nyinynidı'a tiyayi'a -nɔ ɔ ''du'ɔ.

XI 'An dıkmalotv'a ''nynuu-a, -da a -yi -nı'a 'bho -Lagojeyi -lreeka, -ɛ 'wlv'a 'bho, -ɛ bhla'a -zıan 'kpi a, a 'wɔn-ɔ wlv -lue 'bɔ. ɛ-be wlv 'mnɛ, 'ınnɛ 'mo-o, -a kıkma -kıkma dı!

XII \*Kayını -nı'a ti -benı, -a'ba -nı 'ɔ ka -le! ɔ-bɔ Kayını 'mnɔ, ɔ-ɔ 'mo-o ''nyinynidı'a tiyayi \*Sataan'a nyo 'le ɔ 'ye 'ɔ ''bhuo'a 'btbhaleyi 'lbha, ɔ 'ye 'mɛ. Lɛ-ɛ -ke ''lru ''yi ɔ 'lbhɔ 'ɔ ɔ, a yibo nɛ 'nı? A -gblee, kpli ɔ-ɔ nu'a a, ı se ''yi'srɛɛ 'bho -Lago'ɔ ''yigbeyi. ɛ -nı'a -kaa 'mv a, -yı 'ma-a 'ɔ leyi'a -nı, ı-ı 'mo-o -Lago'ɔ 'gwlvdı.

*'Le kplizıgı 'mv nyo-ɔ yibo nı'e nyo'ɔ dıkmɛɛ*



XIII 'An dɪkmalotɔ'a 'nynuu-a, \*Kayinɪ se'a -Lago yibo, nyɔ-ɔ -nɪ'a 'ɔ ka, -bho ɔn 'nyɛ amɔ 'mɔ a, -tɔɔ'ɔ 'maa -amɔ -le!

XIV -Ka -a -see'a 'tɔ 'mɛ 'le -a -nɪ'a ti 'bho -Lago'ɔ 'yigbeyi, -a yibo nɪ-o'o, -ɛkedɪmaa, -a -kma'a-a -a'ba -bonyunyu'a dɪ. Nyɔ-ɔ se'a 'ɔ -bonyunyu'ɔ dɪkmɛɛ 'mɔ'bhle, 'ɔ nyɔtu 'bhle-e 'mɛmɛɛ 'kpi 'bho -Lago'ɔ 'yigbeyi.

XV Nyɔ-ɔ 'nyɛ'ɛ 'ɔ -bonyunyu'ɔ 'mɔ a, ɔ-ɔ 'mo-o 'kulbhayɪ. 'Le, nyɔ'o nyɔ-ɔ 'ma-a 'kulbhayɪ, -ka ɔ -see'a 'kɔgwɛɪɪnɪɛzɛɛ 'ye, a'ba 'bhi yibo nɪ'o.

XVI A -gblee, \*Zezii \*Kliisɪ -kma'a-a -a'ba dɪ. 'ɛ kamɔ ɔ yi'e 'nɔɔ 'kmɔ 'mɔ 'le ɔ 'ye 'mɛ 'bho -a'ba 'bɪ 'mɔ. I-bɪ dɪ 'mnɪ, -bho -a 'wɪn ɪ 'mutɪ, 'lemnɪ -a yibo'o-o ɛ-ɛ 'ma-a nyɔ'ɔ dɪkmɛɛ. -Ka ɔ -kma'a -a'ba dɪ, -ka -lue 'mnɔ, -a -kma -kaa -a'ba -bonyunyu'a dɪ!

XVII A 'ye li-ɔ, -bho nyɔ -lue 'bhle lɪ'a -dadudu, 'le 'pɔan 'ke 'ɔ -bonyunyu'ɔ -lrɔɔ 'lbhanamɔ -nɪ, 'le ɔ 'ke ɪ yibo, -bho 'ɔ ngaze -see ɔ 'lbha 'le ɔ 'ke ɔ -kpa, ɔ 'bhɛɛ'o ɔ 'ke na, ɔ -kma'a-a -Lago'ɔ dɪ, nɔ'a?

XVIII 'An dɪkmayreetɪ-a, -a'ba nɔ wɔnmɔwlu'a 'sɛ, -a'ba -kma -a'ba -bonyunyu'a dɪ -le! -A -kma 'wa dɪ -ka -zɛɛka 'le -a 'ke 'ya kpli -tɔ!

*-Ka nyɔ'ɔ -pɔɔw 'ka ti'wla 'bho -Lago'ɔ 'yigbeyi*

XIX-XX -Bho -a nɔ -kaa a, -Lago 'ma-a -ziadɪ, -ka ɔ -kɔ'ɔ -amɔ, -a yibo nɪ-o'o, 'le -a'ba -pɔɔw 'wla'a ti 'bho 'ɔ 'yigbeyi. -Bho -a'ba -pɔɔw 'mnɛ -ka -amɔ dɪ 'yi-ikpa a, ɛ -a 'ka 'gwɛɪɪde 'le ɛ 'ka ti-de, 'unnɛ 'mo-o, -Lago 'bhɛ-ɛ 'yi, ɔ -zi'e-e -a'ba -pɔɔw 'mnɛ 'le ɔ yibo'o lɪ 'wee.

XXI 'An dɪkmalotɔ'a 'nynuu-a, -bho -a'ba -pɔɔɔ 'srɛɛ 'yi 'bho -Lago'ɔ 'yigbeyi, -bho ɛ -see -amu dɪ 'yikpa a, 'lemnɪ dɪn -see -amu 'lbha yi 'bho 'ɔ 'yigbeyi.

XXII A -gblee, -bho -a'ba -pɔɔɔ -nɪ -kaa a, lɛ'o lɛ-ɛ -a 'ybhāa 'nɔ ɔ, ɔ-ɔ 'nyɪ 'ɛ -amu-ɛ, -ɛkedɪmaa, -a 'du-o 'bho 'ɔ wlu 'le -a nu'o 'ɔ 'gwɔɔɔɔɔ.

XXIII Lɛ ɔ 'bɔ'ɔ ti, -a 'ke nu, a yibo nɛ 'nɪ? ɔ na: -A de 'ɔ 'yu \*Zezii \*Kliisɪ 'gwli, 'le, -ka ɔ 'lɛ'ɛ -amu 'yi, -a 'ke -kaa dɪ kɪkma!

XXIV -A-bɔ 'du'a 'bho -Lago'ɔ wlu a, -a -ke ɔ 'sisri'e-e 'yi, 'le, -ka ɔ -nɪ'a -amu 'mɔ, -a yibo nɪ-o'o, -ɛkedɪmaa, \*'ɔ Lisaazuzu ɔ 'nyɪ'a -amu, 'ɪnnɔ tɔ 'nɪ -amu.

## IV

*\*-Lago'ɔ Lisaazuzu -ke \*-Lago'ɔ 'Bhozayi -ɔ 'pɔɔɔn'a nyɔ'a 'yidedeyi'a -zuzu*

I 'An dɪkmalotɔ'a 'nynuu-a, nyɔ-ɔ -se'a-a -Lago'ɔ wlu'a 'mɔtizamɔzɪgɪ, ɔn bɔba'a-a 'nɔɔ 'bhɪkɪ 'kpi ti. 'ɛ dɪ, nyɔ-ɔ nu'a ɔn 'bhle-e \*-Lago'ɔ Lisaazuzu 'mɔ, a'ba de ɔ 'gwli -le! A 'crɔ ɔ 'mɔti -antanyɪ, 'le, -bho ɛ 'du -Lago'ɔ Lisaazuzu -ziaka 'le a 'ke ɪ yibo.

II -Bho ɛ 'du -Lago'ɔ Lisaazuzu, -ka a 'kɪ ɪ yibo, 'kla-a 'ka-a: 'Bho nyɔ 'wee'a 'yigbeyi, nyɔ'o nyɔ-ɔ nu'a \*Zezii 'mɔ-o \*-Lago'ɔ 'Bhozayi -ɔ 'pɔɔɔn'a nyɔ, 'le ɔ 'ka 'nɔɔ 'kmɔ 'mɔ yi, nyunyɔku ɔ 'luo'o 'mɔ a, ɔ-bɔ nyɔ 'mnɔ 'bhle-e -Lago'ɔ Lisaazuzu 'mɔ.

III ɛ -nɪ'a -kaa 'mɔ a, ɪ-bɪ Zezii'a dɪ 'mnɪ, nyɔ'o nyɔ-ɔ -see 'ɪ -ziadɪ 'la, ɔ se -Lago'ɔ Lisaazuzu 'mɔ'bhle. -Lago'ɔ 'Bhozayi -ɔ 'pɔɔɔn'a nyɔ'a

"yidedeyi -ke 'nynɪ a 'wɔn'ɔ 'bɔ, -ɔ 'ka 'nɔɔ 'kmɔ 'mɔ yi, ɔɔ 'mnɔ, 'ɔ -zuzu ɔ 'bhle'e 'mɔ, 'le ε-be -zuzu 'mnε -nɪ'e lbhɔ -nɔnamɔ see 'nɔɔ 'kmɔ 'mɔ.

IV A-bee -mnɔɔ a, 'an dɪkmayreetɪ-a, -Lagɔ'ɔ nyɔ a "du'o. U-bɔ nyɔ 'mnɔ, -ɔ -se'a-a 'ɔ wlu'a 'mɔtizamɔzɪgɪ, 'le a 'ye ɔ tɔ wɔn 'mɔ lu, -ɛkedɪmaa, -Lagɔ'ɔ Lisaazuzu a 'bhle'a 'mɔ a, ɔ 'ku-o wɔn, 'le, -Lagɔ'ɔ 'Bhozayi -ɔ 'pɔɔn'a nyɔ'a "yidedeyi'a -nε ɔn 'bhle'a 'mɔ, ɔ 'ye ε -zi.

V U-bɔ nyɔ 'mnɔ, ɔn se -Lagɔ yibo. 'E kamɔ, dɪ-t'a 'bhεε'ε 'ɔ 'nynɪ "yi, ɔn-ɔ zɪ 'ɪ 'mɔ 'le "nyinynidɪ'a nɔmɔ -lɔɔɔ-ɔ pɔ'o 'wa wlu -lokui 'le ɔn-ɔ "du 'ɪ 'bho.

VI -A-bɔ -yɔɔ, -a 'mɔ-o -Lagɔ'ɔ "yreetɪ. Nyɔ-ɔ yibo 'nɔ ɔ, ɔ-ɔ 'pɔ-o -amɔ -lokui 'le ɔ-ɔ "du'o 'bho -a'ba wlu. Nyɔ-ɔ se 'ɔ yibo a, 'ɔ "du 'bho -a'ba wlu. A -gblee, -Lagɔ'ɔ Lisaazuzu pɔ'a nyɔ -jɔɔzεgε gbo-e, -Lagɔ'ɔ 'Bhozayi -ɔ 'pɔɔn'a nyɔ'a "yidedeyi'a -nɔ "maa'a nyɔ -ziadɪ "yrili-e, -ka a 'ku ɔ 'mɔyibo 'le a 'ka 'wa -gbɪ lizɪza a, 'kla-a 'ka-a!

### *-Lagɔ 'bhle'e dɪkɪkmεε'ε "lru kwa.*

VII-VIII 'An dɪkmalɔtɔ'a "nynuu-a, -a kɪkma -kɪkma dɪ, -ɛkedɪmaa, 'le -Lagɔ 'mɔ, 'le-e dɪkɪkmεε-ε 'wɔ'o! 'Innɔ 'bhle'e dɪkɪkmεε'ε "lru kwa. Nyɔ-ɔ -kma'a ɔ -bonyunyɔ'ɔ dɪ, ɔ-ɔ 'mɔ-o -Lagɔ'ɔ "yu 'le ɔ yibo nɔ'o. Nyɔ-ɔ se 'ɔ -bonyunyɔ'ɔ dɪ -kma a, 'ɔ nyɔtu se -Lagɔ yibo.

IX -Ka ɔ -kma'a -a'ba dɪ, a -gbɔ -kaa ya! \*Zezii \*Kliisɪ 'ma-a 'ɔ "yu'a 'dε -lue, 'unɔ ɔ -ya'a 'nɔɔ 'kmɔ 'mɔ 'le 'ɔ dɪ -a 'ke "kɔgwɔɔɔɔɔɔɔɔ 'ye.

X A -gblee, nyo'ɔ dɪkmɛɛ 'ka-a: -Lago -kma'a -a'ba dɪ -antanyɪ. ɔ -ya'a-a 'nɔɔ 'kmɔ 'mɔ 'ɔ ''yu'a 'dɛ -lue, 'le ɔ 'ye 'mɛ -a'ba ''nyinynidɪ'a dɪ, 'le, 'ya -belu 'ke 'ka -amɔ bhla, ɛ 'ye ɔ ''kpi ti'ga 'bho -a'ba 'bɪ 'mɔ. 'ɔ nymɔ 'wla-a ti, 'le, -a'ba \*'sraga ɔ -za'a -kaa 'bho -Lago'ɔ ''yigbeyi, ɛ 'ye -amɔ zetie 'le -a'ba ''nyinynidɪ 'mnɪ 'mɔ. A 'ye li-ɔ, ɛ -se -a-bɔ -kma -Lago'ɔ dɪ -antanyɪ 'nɪ -ko.

XI 'An dɪkmalotɔ'a ''nynuu-a, 'ka-a -Lago -kma'a -a'ba dɪ'a dɪ, -abɔ kɪkma -kɪkma dɪ -lrɛɛ!

XII Nyɔ-ɔ 'ka -Lago 'ye, ɔ se -nɪ. -Bho -a kɪkma -kɪkma dɪ, ''lemnɪ -a -ke ɔ ''sisri'e-e ''yi, 'le, 'ɔ nyunyɔ'ɔ dɪkmɛɛ-ɛ -nɪ'a -amɔ 'mɔ, ɛ-ɛ 'wɔ'ɔ ''yiglu -ka -zegɛka.

XIII ɔ ''nyɪ-e -amɔ 'ɔ Lisaazuzu'a dɪ, -a yibo'ɔ -ka -a -ke ɔ ''sisri'a ''yi.

XIV -Da 'ɔ ''yu Zezii -nɪ'a 'nɔɔ -a'ba ''klumɔ, -a-bɔ 'ma-a \*'ɔ -dalbhomɔ, -a 'ye -ɔ li 'le -a de'e ''gwli -ka -a'ba -tɪta -Lago 'mnɔ lbho 'ɔ 'nɔɔ 'kmɔ 'mɔ 'le ɔ 'ke \*nyɔ'a 'pɔɔnyɪ ''du. I-bɪ dɪ 'mnɪ, -a 'zɪ -ɪ nyɔ -bodɪ 'mɔ gbaa, -ɛkedɪmaa, ɪ-ɪ 'mo-o -ziadɪ.

XV 'Bho nyɔ'a ''yigbeyi, nyo-ɔ wa'a wɔnti, -ɔ nɔ'a Zezii 'mo-o -Lago'ɔ ''yu, ɔ -ke -Lago ''sisri'e-e ''yi.

XVI -A-bɔ Zezii'a nyɔ, -ka -Lago -kma'a -a'ba dɪ, -a yibo nɪ-o'ɔ, -a 'ye ɪ 'wɔɔn 'le -a 'ye ɪ 'li ti-de. -Lago 'bhle'e dɪkɪkmɛɛ'ɛ ''lru kwa. Nyɔ-ɔ -de'a 'le ɔ -bonyunyɔ'ɔ dɪkmɛɛ 'mɔ ti a, ɔ -ke -Lago ''sisri'e-e ''yi.

XVII Dɪkɪkmɛɛ-ɛ -nɪ'a -amɔ 'mɔ, -bho ɛ -se -sɛ 'le ɛ 'ke ''yi-die tenyɪ 'le ɛ 'ke ''yiglu 'wɔ'ɔ -ka -zegɛka, -ka -Lago'ɔ -zɪgle -see'a -amɔ -kpɔn yi,

'lemnu -a 'de -ᵗ 'gwli, -ekedūmaa, -a'ba tinε -ke Zezii Kliisi'a ne gogo'ɔ-ɔ 'yiti 'nɔɔ 'kmu 'mu.

XVIII Nyɔ-ɔ -kma'a ɔ -bonyunyo -ke -Lago'ɔ dɪ, -Lago'ɔ -zige'a -sɪanyɪ'a 'lbhɔ ɔ. -Bho 'wa dɪkmεε -die nyɔ 'mu 'yi a, ε'ε nymɔ'ɔ 'si ɔ 'gwlu. -Bho ε se ɔ 'mu 'yi-die a, ɔ-ɔ 'bhle-e -sɪanyɪ kuku 'zoti, -ekedūmaa, ε-be -sɪanyɪ 'mne 'bhle-e -Lago'ɔ nyɔ'ɔ 'kleyεε'ε -sɪanyɪ kli.

XIX -A-bu -yuu, -Lago -kma'a -a'ba dɪ -antanyɪ'a dɪ -a -kma'a ɔ -ke nyu -lrub'a dɪ.

XX A -gblee, -bho nyɔ nu ɔ -kma'a-a -Lago'ɔ dɪ 'le ɔ 'ke ɔ -Bozezii'a nyɔ 'mu'nyε ε, ɔ-ɔ 'mo-o sɪnbhleyi. A 'ye li-ɔ, ɔ -Bozezii'a nyɔ ɔ-ɔ 'ye'a li, -bho ɔ se 'ɔ dɪ -kma, -Lago 'ɔ 'ye'a li, ɔ 'bhεε ɔ 'ke 'ɔ dɪ -kma 'nɪ? -Gba!

XXI 'Bho 'ε lemυ, -Lago'ɔ 'bhuo na, nyɔ-ɔ -kma'a 'ɔ dɪ, ɔ -kma ɔ -bonyunyo'ɔ dɪ -lrεε!

## V

### *-A 'lu-o \*Sataan -ke 'ɔ nyu tv wɔn 'mu*

I Nyɔ'o nyɔ-ɔ de'a 'gwli na \*Zezii 'mo-o \*-Lago'ɔ 'Bhozayi ɔ 'pɔɔn'a nyu a, ɔ-ɔ 'mo-o -Lago'ɔ 'yu. 'Le, nyɔ-ɔ -kma'a -Lago'ɔ dɪ a, ɔ -kma'a 'ɔ 'yreetɪ'a dɪ -lrεε.

II A -gblee, -bho -a -kma -Lago'ɔ dɪ 'le -a 'ke 'ɔ wlu -lokuipo, -a 'ke ɪ 'bho 'du a, -mnu -a yibo'o -ka -a -kma'a 'ɔ 'yreetɪ -lrub'a dɪ.

III A yibo -Lago'ɔ dɪ'a -kmakmaa 'nɪ? Nyɔ-ɔ 'du'a 'bho 'ɔ wlu, 'unno -kma'a 'ɔ dɪ. 'Bho -amu -bodi, 'ɔ wlu'a 'bhoduεε se 'yi-kmu,

IV -ekedūmaa, nyɔ'o nyɔ-ɔ 'ma-a 'ɔ 'yu, nyu-u -se'a-a 'ɔ -nu, ɔ-ɔ 'lu-o, un -ke 'wa -koyi, \*Sataan,

tu wɔn 'mʊ. A -gblee, 'le -a'ba Zezii'a 'gwliɔɛ  
'mʊ -a lu nɪ'e tu.

<sup>V</sup> U-bʊ nyʊ 'mnʊ 'le, yɔɔ lu 'ʊ tu wɔn 'mʊ'a?  
A -gblee, nyɔ-ɔ de'a 'gwli na Zezii 'mo-o -Lago'ɔ  
'yu a, 'ɪnnɔ nʊ ɛ'o.

*\*Zezii'a 'kpidɪ'a 'mʊzɛɛ*

<sup>VI</sup> A -gblee, \*Zezii \*Kliisɪ 'mo-o nyɔ -yɔ yi'a 'nɔɔ  
'kmʊ 'mʊ. ɔ yi'a a, ʊn \*batizee -nɪ 'nɔ-ɔ 'le 'nukɔ,  
'le, ɔ 'ka 'mɛ, 'ɔ nymɔ 'ye ti'wla. ʊn batizee -nɪ  
'nɔ 'nukɔ, ɛ -see 'bho 'tii, 'ɔ nymɔ 'wla-a ti -lɛɛ.  
'Le, \*-Lago'ɔ Lisaazuzu 'ma-a -ziadɪ'a 'mʊzayi, ɔ  
na ɪ -se sɪn -ko.

<sup>VII-VIII</sup> A 'ye li-ɔ, -Lago'ɔ Lisaazuzu-e, 'ɔ ba-  
tizeeni -ke 'ɔ nymɔ-ɔ 'wla'a ti, 'ɪnnɪ -tɔ'ɔ nyʊ -ka  
ɔ 'du'a -Lago'ɔ 'yu. ɪ-bɪ lɪ'a 'digbi tan 'mnɪ, lɛ  
-lue ɪ-ɪ za'a 'zɔ.

<sup>IX</sup> Lɪ -ke -da nyʊ 'ye'a, -bho ʊn -za 'ya 'kpidɪ  
'mʊ, a-a 'lɪ -ɪ -ziadɪ, 'le -Lago'ɔ 'mʊzadɪ 'bhle-  
e 'nynɪ, ɛ 'ye nyunyɪ'a nɛ -zi, 'le ɪ-bɪ dɪ 'mnɪ,  
-Lago'ɔ 'bhɪu-o -zɪ 'ɪ 'mʊ 'bho 'ɔ 'yu 'kpi.

<sup>X</sup> Nyɔ-ɔ de'a 'ɔ 'yu 'mnɔ 'gwli, 'ɛ dɪ 'ɔ 'mʊzadɪ  
'mnɪ -nɪ'e -ɪnmʊ 'mʊ. ɛ -nɪ'a -kaa 'mʊ a, nyɔ-  
ɔ se'a -Lago 'gwliɔ, ɔ-ɔ 'luo-o -Lago 'mʊ -ka  
sɪnceyi. -ɛkedɪmaa, dɪ ɔ -za'a 'mʊ 'bho 'ɔ 'yu  
'kpi, 'ɔ nyɔtu -see ɪ -ziadɪ 'la.

<sup>XI</sup> ɪ-bɪ 'ɔ 'mʊzadɪ 'mnɪ, 'ɪnnɪ 'ka-a: ɔ 'nyɪ-e -  
amʊ 'kɔgwletɪnɪɛzɛɛ. 'Le, ɛ-be tɪnɪɛ 'mnɛ ɛ, 'ɔ  
'yu-u 'bhle'e 'ɛ 'lru kwa.

<sup>XII</sup> ɛ-be 'kɔgwletɪnɪɛzɛɛ 'mnɛ, nyɔ-ɔ -ke 'ɔ 'yu  
'mnɔ 'sisri'a 'yi, ɔ-ɔ 'ye -ɛ'o. Nyɔ -yɔ -ke ɔ se'a  
tikpɔkpɔn, ɔ-ɔ bɔ 'nɛ 'mʊ-ɛ.

*'Kɔgwletɪnɪɛzɛɛ*

XIII A-bu de'a -Lago'ɔ 'yu, \*Zezii, 'gwli, 'u-  
 ɪ 'po-o amɔ 'bɔgɔ -nɛɛ -jeyi, 'le, -ka a 'ye'a  
 'kɔgwletinɪɛzɛgɛ, a 'ke ɪ yibo.

XIV -Bho -a -ka -Lago'ɔ 'gwɪɔdɪ-ɪ nɔ, 'le -a 'ke  
 ɔ ɛ 'ybhaa, -a 'de-e 'gwli na ɔ 'kpɔn-o -a'ba  
 bhadewlu. 'ɛ dɪ, -bho -a -nɪ'e 'bho 'ɔ 'yigbeyi,  
 'le -sɪɔnɪ'a 'lbha'a -amɔ.

XV -Bho -a 'ybhaa nɔ ɛ, -a de 'tɔ-ɔ 'gwli na ɔ  
 'kpɔn-o -a'ba bhadewlu'a dɪ, -a de'e 'gwli -lrɛɛke  
 na ɔ-ɔ 'nyɪ 'ɛ -amɔ-ɛ.

XVI A -gblee, 'nyinyɪnɪdɪ -ke 'lru 'yi nɔ -see'a  
 'mɛ yi katii 'bho -Lago'ɔ 'yigbeyi, -bho a 'ye a -  
 Bozezii'a nɔ li, -bho ɔ -kɪ ɪ-ɪ nɔ a, a po \*-Lago  
 wɔn gbo 'le ɔ 'ke 'ya dɪ 'bhɔ, ɔ 'ke ɔ 'bho 'ɔ  
 'kɔgwletinɪɛzɛgɛ'ɛ -jeyi le -ya! 'Nyinyɪnɪdɪ -ke  
 'lru 'yi nɔ -see'a 'mɛ yi katii 'bho 'ɔ 'yigbeyi,  
 nyɔ-ɔ nɔ 'ɪ a, 'wa 'sɛ 'u 'si'e 'nyɪ. A -gblee,  
 'nyinyɪnɪdɪ -lue-e -nɪ'e 'bho: 'ɛ dɪ nɔ-ɔ 'ye 'mɛ  
 mɔ katii 'bho 'ɔ 'yigbeyi. -Bho ɛ 'du ɛ-be  
 'nyinyɪnɪdɪ 'mɛ, a'ba po ɔ wɔn gbo -le 'ɔ nyɔtu'a  
 dɪ!

XVII Le'o ɛ-ɛ se'a 'yi'srɛɛ 'bho 'ɔ 'yigbeyi, ɛ-ɛ  
 'mo-o 'nyinyɪnɪdɪ. ɛ -nɪ'a -kaa 'mɔ a, 'nyinyɪnɪdɪ  
 -lru-ɪ -nɪ'e 'bho, 'ya dɪ nɔ -see 'mɛ yi katii 'bho  
 'ɔ 'yigbeyi.

XVIII Nyɔ-ɔ 'ma-a 'ɔ -nɔ ɔ, -a 'de-e 'gwli na ɔ-  
 ɔ 'bhɔ-ɔ 'nyinyɪnɪdɪ'a nɔnɔdɪ, -ɛkedɪmaa, 'ɔ 'yu  
 Zezii-i 'du -ɔ 'yrili 'le 'nyinyɪnɪdɪ'a tiyayi se ɔ  
 wɔnyɪ'bhɛɛ.

XIX -Abɔ 'de-e 'gwli na -Lago'ɔ 'yreetɪ -a 'du'o,  
 'le nyɔ -lruɔ -nɪ'e 'nyinyɪnɪdɪ'a tiyayi'a -kpɛɛ wɔn  
 'mɔ.

XX -A yibo'o-o -lɾɛɛke na -Lago'ɔ 'yu Zezii  
 \*Kliisu 'yi-e 'nɔɔ 'kmɔ 'mɔ 'le ɔ 'ye -amɔ -naagu  
 'nyɪ -a 'ke -Lagozɛɛ yibo. -A -ke -Lagozɛɛ  
 'mnɔ'ɔ 'bhuo 'sisri'e-e 'yi 'le -a -ke 'ɔ 'yu,  
 Zezii, kpɔkpɔn'o ti -lɾɛɛ, -ɛkedɪmaa, Zezii-i 'mo-  
 o -Lagozɛɛ 'le ɔ 'bhle'e 'kɔgwɛtinɪɛzɛɛ'ɛ 'lru  
 kwa.

XXI A -gblee, 'an dɪkmayreetɪ-a, lɛ''o lɛ-ɛ 'ka -  
 Lago'ɔ 'bɪ 'mɔ'luo 'le a'ba -pɔɔ 'zɔ, a 'du a'ba  
 'bhi 'yrili 'ɛ dɪ!



**-YBHËYBHËTITELRE**  
**Nyabwa: -YBHËYBHËTITELRE New Testament**  
**Nouveau Testament de Nyabwa**

copyright © 1991 Wycliffe Bible Translators, Inc.

Language: Nyaboa (Nyabwa)

Contributor: International Bible Society

All rights reserved.

2020-11-30

---

PDF generated using Haiola and XeLaTeX on 18 Apr 2025 from source  
files dated 29 Jan 2022

7657d3f5-7539-5138-b61f-b1ee280646f9